

肅宗顯義光倫睿聖英烈章文憲武敬明元孝大王實錄卷之五

二年丙辰正月朔甲申赤氣亘天○上親行敬思殿朔祭○乙酉判決事鄭

載嵩上疏曰臣父太和以暮服之制獻議於己亥大喪之日朝家今以暮服為壞禮則臣之情勢何敢晏然在職乎答曰勿辭○丙戌以李同揆鄭載嵩為承

旨○引見大臣備局諸臣許積白上曰鄭載嵩之去就不關於其父太和矣

己亥初喪太和謂臣曰大王大妃服制何如臣曰為長子三年而國制則暮

年矣太和曰有極難處之事兩宋引體而不正之說以三年為非吾則不知禮

當用國制而兩宋堅執之故問於君矣賓廳諸臣乃以為當初則本無體而不

正之說兩宋只用暮年之國制矣許穆疏出後始有此論欲以欺罔天聽臣得

見宋時烈所錄自明之說則有曰鄭太和問於渠曰國制服暮見於何書渠取

經國大典服制條而示之遂用暮制云太和素習大典何待問於時烈乎載嵩

以區別其父於時烈為難而太和三朝大臣今見載嵩之疏不得不辨也

上曰此予未能詳知者也掌令金履樾啓請洪得禹等五人遠竄不從○左副

承旨鄭載嵩以移職復申前說辭免答曰當己亥初服爾之先卿乃從禮經為

長子三年之文大王大妃服制以三年定行而時烈等以體而不正正而不